

南開大學中國社會史研究中心資料叢刊

近代中國實業志
11

鳳凰出版社

南開大學中國社會史研究中心資料叢刊

近代中國實業志
11



鳳凰出版社

第十一册

中國實業志 全國實業調查報告之三山東省 (二) 實業部國際貿易局編 民國二十三年 一

全國實業調查報告之三 山東省

中國實業志
(二)

實業部國際貿易局 編

民國二十三年

第五章 周村

一 概況

沿革

周村鎮禹貢爲青州之域，周爲齊夫于邑，戰國時爲齊於陵邑，西漢置於陵縣，皆以此爲縣治，晉改於陵爲烏陵，劉宋孝武又改烏陵名武強，隋開皇十八年，取縣西南境有長白山，卽更名爲長山縣，並遷縣治於周村北十八里，從此以後，周村始成長山縣之名鎮，至前清光緒三十年，經奏准自闢爲商埠。

位置

長山縣西南距濟南約二百十里、東南距青州一百四十里、縣境東接桓台、南界淄川章邱、北面與西面接鄒平、及桓臺縣境內有插花地一塊，共面積二千七百五十方里，而周村位於長山縣之南部，占地三十九方里，圍以高垣，俗名圍子，關門十，北曰朔易，東北曰永貞，東曰觀海、中山、中正、東南曰太乙、西曰義衢、望雲、武聖、西北曰長庚，膠濟鐵路經圍南半里，而設車站於圍外東南隅，車站至中山門，闢有馬路，爲周村圍內居民唯一出入要道。

地勢

長山縣境，南高而北低，因秦岱來之長白山脈，盤跨於章邱鄒平淄川長山之交界處，爲長山縣西南之屏障，其椽楞山自章邱入境，是長白之第一峯也。山以北平曠無際，自北方來三百里外

，即可望見，山高二千九百丈，周六十里，山巔雲雨長白，故名。其中峯巒迭起，在縣西南四十里名摩訶山，是長白之中峯，山有覺堂及醴泉寺，乃宋范仲淹讀書處。距縣西南三十六里有白雲山，爲長白迤南之最高峯，山之砂石皆黑色，有類泰山石，其形勢亦相似，故俗呼小泰山。縣西南二十七里，有少白山，高僅里許，有故壠，相傳爲召忽之墓。此外鳳凰山、米山、馬鞍山、太行山、銀牛山、鎖山、珠山、院山、黑山、杏山、石門山、陳山、金龍山、台山、團山、李山、雙乳山、牛眠山、虎埠山、龜山等，皆爲長白山之一部份，故長山水流，皆由南北瀉，周村鎮位在長白山脈之北，距山麓約十餘里，地勢平坦，有淦河（俗名濁河源）自鳳凰山北麓蜿蜒向北而來，經周村之圍下而北去，河身寬闊，惟水流極細，灌溉交通，均鮮利賴。

河流

長山境內水流，西境有豬龍河，自白雲山北流至極北部入小清河；南境有淦水，自鳳凰山西麓北流經周村，至縣城，入孝婦河，而孝婦河者，爲長山縣境較大河流，古名瀧水，又名袁水，自淄川孝婦廟發源，在縣東南四十里河崖頭入境，向西北而來，經縣城南，至縣西境之雍家莊折而東北流，入小清河，蜿蜒縣中，約及七十里，惟此河流，水量漲落無常，水漲時洪流奔騰，水落時深不及尺，全無補於水上交通。

周村一帶，春季溫和多風，夏季炎熱雨少，秋季天氣清冷，雨亦不多，冬季嚴寒而多雪，一年中最高溫度達攝氏三十八度，最低溫度達攝氏零下八度，至於土壤，長山北部多沙質壤土，東

氣候土質

地價

南部多黏土，南部多礫土，沿周村附近，則砂土壤土黏土雜具。

長山地價，以周村圍內最貴，長白山地最賤，平地耕田，視土質水利生產三項之優劣以定價格高下。現時田地讓渡，山地每畝三十元，中等田七十元，上等田百元，若縣城內及周村圍外地方，可以建造房屋者，則視地勢及地位而高下其價，最高四百元，次三百元，再次二百五十元。至若周村圍內，自民國改元以來，地價隨商業發展而日漲，於民國八九年時，每畝普通價九百元，若絲市街、大街、銀子市街等商業繁盛之處，每畝需價一千六百元之譜，迄民國十六、十七兩年，受匪亂影響，地價稍見跌落，現已恢復原有價值矣。

二 戶口

編制

長山縣境，東西廣五十五里，南北袤五十里，在清代分五路，東路共十約，南路共十四約，西路共十一約，北路共十二約，西北路共十一約，以村莊分隸焉。及民國後，廢約廢路，改行政區凡九，戶籍編制法乃以五家爲隣，有隣長，二十五家爲閭，有閭長，百家左右爲鄉，鄉之大者爲鎮，設有鄉長鎮長，鄉鎮之上乃爲區，設區長，現九區中有二百三十四鄉鎮。

戶口

長山縣於民國二十一年調查，全縣戶數爲三萬三千八百三十九家，農戶最多，占二萬七千戶，工戶次之，計三千三百七十五家，商戶更次，計二千三百六十二家，學戶最少，祇六百七十五

家，其餘四百二十七家為自由職業戶，全縣人口共二十七萬一千三百五十名，男子占十五萬二千五百五十人，女子占十二萬八千八百人。

性別	壯丁		老丁	幼丁	游民	總計
	性	計				
男	性	九四、五〇〇	一三、五〇〇	四三、二〇〇	一、三五〇	一五二、五五〇
女	性	六七、五〇〇	一三、五〇〇	三七、八〇〇		一一八、八〇〇
總計		一六二、〇〇〇	二七、〇〇〇	八一、〇〇〇	一、三五〇	二七一、三五〇

周村戶數，民國十八年時，計一萬零九百六十四戶，六萬一千一百八十九人，恆興德、同豐新記等絲廠相繼停閉後，一般勞工星散，周村戶口數目，遂漸減少。在民國二十一年戶口數上觀察，戶數一萬零六百十五家，減少三百四十九家，人口五萬六千六百二十名，計少四千五百六十九人。

年份	戶數	男子數	女子數	總數
民十八年	一〇、九六四	四五、九八九	一五、二〇〇	六一、一八九
民十九年	一〇、七〇〇	四六、四四二	一五、一八四	六一、六二六
民二十年	一〇、六三二	三九、九八六	一七、八四二	五七、八二八
民二十一年	一〇、六一五	三九、八九九	一六、七二一	五六、六二〇

惟以民國二十一年周村戶口數與長山全縣比較，則戶數占百分之三十一，人口數占百分之二十有奇。

縣別	戶數	男子數	女子數	人口總數
周村	一〇、六一五	三九、八九九	一六、七二一	五六、六二〇
長山	三三、八三九	一五二、五五〇	一一八、八〇〇	二七一、三五〇
百分比	三一·三七%	二六·一五%	一四·〇七%	二〇·八六%

三 交通

鐵路

周村交通之要道者，為膠濟鐵路，該路周村車站，在周村圍外東南一里，周村進出口貨物多藉該路轉運，人之東往青島、膠州、平度、安邱、濰縣、昌樂、青城、壽光、臨淄、博山、淄川，西往濟南章邱及赴津浦路線之各縣者，無不經此。周村工商之發達，此路之功，實居大半。該路全長四百十二公里，周村位居其西中段，青島至周村為三百二十公里，濟南至周村為九十二公里。由周村出口之貨物，以棉花、麥、大豆、花生、瓜果、高粱、雞蛋、菜蔬、疋頭為大宗，每年約一萬二千八百三十五噸。由青島濟南等地運至周村之貨物，為煤油、麵粉、綿紗、糖、烟葉、木料、鐵、紙烟、石灰、陶磁、火柴、布疋、肥料、紙張、文具、竹器、乾鹹魚等，每年約一

公路

萬五千四百三十五噸云。

此外周村交通，祇爲陸路，各縣能通周村者，縱橫交錯，在前清末關鐵路以前，周村能爲內地繁盛市場者以此，現時縣道鎮道自民國十八年修築完成並通行汽車後，周村至小清河流域各縣，可朝發夕至，惜現時通行汽車，祇載旅客，貨物轉運，尙未舉辦。

（一）周青路 該路自周村起至青城縣小清河止，計長一百五十二里，經過長山鄒平青城而達小清河岸，聯絡周長鎮道、長鄒縣道、鄒齊縣道、齊青縣道而成，路寬七公尺半，土築路面，現已通行汽車，每月來往約六十次，該路禁止民間行駛大車，故路面頗平滑。

（周村）—二二里—（長山）—三〇里—（鄒平）—八〇里—（青城）—二〇里—（小清河）。

（二）周高路 該路自周村至高苑，計長一百里，經長山桓台兩縣，路基土築，寬七公尺半，尙平坦，亦通行汽車人力車，惟該路上時有大車行走，每下雨後，車轍有深陷及尺者，汽車每月約行六十次。

（周村）—二二里—（長山）—二九里—（桓台）—四九里—（高苑）。

（三）周淄路 該路自周村至淄川，中經明水，計程四十五里，路寬七公尺許，係土築路面，可通行汽車及人力車。

（周村）—二二里—（明水）—二三里—（淄川）。

(四)周馬路 該路自周村東至馬尚鎮，爲長山縣之鑛道，經太和莊北王莊等處，計程二十五里，路係土築，面寬五公尺，現時通行人力車及大車。

交通工具

以上各路交通工具，除汽車外，則有人力車、腳踏車、雙輪大車、單輪大車、小載單輪輓車、及騾驢等，汽車輛數不多，全鎮祇十餘輛，人力車者，由車夫自備，向商會呈報登記，每月繳費二角，領照通行，據商會報告，約有七百餘輛，至於腳踏車、雙輪大車、單輪大車、單輪輓車及騾驢等，亦由鄉人自備，據縣政府調查，腳踏車約五百輛，雙輪單輪大車約三千餘輛，小載單輪輓車約有千輛云。

郵局

周村郵局，在周村圍內中山門內大街。

四 工業

概況

周村係山東省內地之商埠，亦山東省重要之工業區，惟自民國十七年後，絲價低落，恆興德、同豐、新記等繅絲廠相繼停歇後，大規模之機器工業極少，現時估該埠重要地位者，機器工業僅有榨油、麵粉、漂染、電氣等，手工業則有絲麻織業、棉帶業、銅錫業、皮膠業、釀酒業、鞋帽業、冶鐵業、燭皂業等，統計各業每年生產，共爲五百十四萬五千三百元，中以絲麻業之出品，最占重要，幾占百分之七十五，其次爲織帶業，占百分之九強，再次爲漂染業銅錫業等，而榨

榨油業

油麵粉業乃更次矣。

榨油目的，周村附近習慣，重餅而不重油，故榨油工作，全隨秋季農田施肥時，及春季下追肥時，爲其出貨最旺期間，其他乃爲閒月，惟以榨油一業，各縣皆有，隨地出產，可以供給隨地需求，因此周村油廠，亦不十分暢旺，目下周村計有鴻昌、恆生、振興恆、三合湧等四家，長山縣城計有瑞積昶、恆豐、元茂等三家，均用柴油引擎以轉動壓豆機，而榨油機則用人力，共計四十座，每年出油十二萬六千餘斤，出餅十萬四千八百餘個，共值洋八萬八千餘元。

麵粉業

麵粉廠僅有民豐一家，係民國二十一年將福春恆粉廠改組成立，廠址在水膠廠街，資本一萬八千二百元，備有馬力三十二匹蒸汽引擎一座，轉動鋼磨二部，每日能出麵粉二十包，據民二十一年中，計出一萬包，值洋二萬四千元。

漂染業

周村爲織蔴葛綢綾地方，漂染一業，比較繁盛，在民國十八年時，多至六十餘家，目下已見衰退，祇三十餘家，散布於周村圍內，統計資本額共七萬二千六百元，使用工人二百九十八名，每年漂染疋頭，約二十三萬三千疋，約得染費二十一萬餘元，至於廠之完全使用機器者，計有東和益、人和、麗新、華新、新民、東和等六家。

電氣業

周村電氣公司，係民國九年創辦，附屬於同豐絲廠內，彼時祇備有六十啓羅瓦特直流電機一部，至民十二年，始換同量交流發電機一部，至二十年時，絲廠虧累停業，遂將電氣部份，另行

改組，名爲周村電氣公司，設廠於魚店街，集資本十四萬元，備蒸汽透平發電機及水管鍋爐各一部，現時年發電氣五十萬度，值洋五萬二千一百二十五元。

絲織業爲周村主要工業，遜清時已盛，及民國初年，始有工廠設立，惟內幕組織，仍多沿用舊習，連年營業興旺，機坊工廠，逐漸增多，在民國六年時，土圍內外，幾達一千四百餘家，織機之數，超出二千五百張之上，年需原料一百二十五萬斤，出絲麻織品五十萬疋有奇。惟自民國十六年後，絲價狂跌，出品價無起色，機坊無利可圖，閉歇極多，現時土圍內外，入同業公會者，祇二百六十一家，連同周村附近鄉間機戶七百餘家，已不足千家矣。據公會報告，入會機坊工廠，資本共三十一萬九千元，織機一千一百六十六部，織工五千三百七十六名，絡絲女工約五萬餘人，（散處四鄉，在周村鎮上，不過五千人，）每年需用絲麻原料，約五十九萬九千四百斤，可出織品二十四萬零七百疋，若與鄉間出品共計之，尙有四十一萬五千疋之織品，可值四百十五萬元云。攷其織品中，計有洋縐、華絲葛、湖縐、線春、改良葛、蘇葛、素葛、中山葛種種，而改良葛出數最多，占二十萬疋，蘇葛次之，占十萬疋，華絲葛更次，占五萬疋，素葛占三萬疋，洋縐占一萬五千疋，中山葛一萬疋，湖縐線春兩種，出數最少，計各五千疋、洋縐、華絲葛、湖縐、線春、純用絲織，蘇葛、素葛、純用蘇織，改良葛，乃絲經蘇緯，中山葛，則蘇經絲緯，蘇葛、素葛改良葛中山葛，銷河南上海山西陝西爲多，湖縐洋縐華絲葛線春等，銷北平新疆內外蒙古及

遼東爲多，惜其所用原料，除採用淄川臨胸鄒平及其他山東各縣之大框絲外，所用大批電光蔴，均爲日本輸來者耳。

棉帶業

織造棉線腿帶，亦爲周村重要工業之一種。當光緒初年，祇織粗線帶，每機織一條，而織帶之家數，尙屬不多。及光緒二十年後，日人將新法脚登機輸入周村，每機同時出帶二根至三根，出貨速而出品精細，銷路大旺，織戶增多。至民國初年，周村永祥合廠自日本購來新式帶子機五台，每機同時出四根至八根，出貨更見加快，成本減輕，盈利頗多，周村棉帶織戶，羣相倣效，爭自開廠，至民國十七年中，周村圍內，遂多至七十餘家，入同業公會者，亦有五十家。現時營業，已無十七年間之興旺，較小工廠，停業者相繼，故會內會員，現祇四十家，其資本約四萬三百四十元，備有織帶機四百五十八座，職工一千零五十一名，每年所出，帶子四十六萬三千五百打，計值四十七萬八千餘元，織造帶子原料，以紗爲主，而帶子寬度，分有一寸、一寸半、二寸、二寸半、三寸、三寸半等數種，其中寬一寸者，銷路最廣，故出貨獨多，約占二十五萬打，其他各在五萬打之譜，主銷於河南、河北、山西等省，及江蘇、安徽之北部，行銷長江以南者，爲數較少。

銅錫業

周村銅錫業中，分銅爐、小爐、市件、銅盆、响貨、廣鎖、首飾、紅銅器、銅絲、銅杓、喇叭、筆帽、烟管頭、頁子等十四行，除頁子筆帽兩行坊家，散處於鄉間外，其餘皆在周村圍內，

計有一百十家，內市件行家數最多，計十四家，廣鎖首飾兩行次之，各計十餘家，其他各行，二家至七八家不等。現時周村銅錫之總產量共值十七萬四千五百九十五元，內市件出五萬斤，值一萬二千五百元，銅盆五萬斤，值一萬五千元，响貨七萬斤，值六萬三千元，廣鎖三萬斤，值九千元，烟管頭七十萬個，值一萬零五百元，銅板十五萬斤，值三萬元，紅銅器六千斤，值三千六百元，銅絲二千斤，值一千四百元，頁子一千五百斤，值九百元，銅杓五萬一千五百斤，值六千六百九十五元，喇叭值六千元，小爐貨值六千元，筆帽三千元，錫器五千元，以上銅盆、响貨、廣鎖，行銷漢口、蘇州、南京、上海、天津及山東各縣，其餘行銷鄰近縣邑，至於銅爐行所出之銅板，頁子坊所出之頁子，則專銷周村銅錫業中，以供其製造原料。

皮膠業

周村製造皮膠，歷史頗久，在清中葉，土圍北部之水膠廠街，列坊製造，不下百家，現時則有三十六家，散處圍外鄉間者，約有四十家，周村皮膠業，可分水膠、弓弦、皮鞭馬鞍等雜件三大類，而其製造原料，皆以騾驢皮爲主，每年出品，水膠計出十一萬九千二百斤，值洋二萬二千八百四十元，弓弦一萬二千五百條，值洋二千元，馬鞍等雜貨值三萬零四百元，水膠銷路，以長山濰縣蒙陰爲主，濟南次之，其用途蓋供染坊漿青布及木廠膠接木器口縫，弓弦用以彈羊毛，皆銷淄川之龍泉鎮等地，蓋該地富產氈帽氈毯故也。馬鞍雜件，則盡銷本縣。

釀酒業

周村釀酒，在圍內者，計十四家，皆事製造而兼設門市，其出品以燒酒爲主，原料方面，高

梁占十之八，大麥占十之一，其餘乃以粟製之。是種酒坊，固定資本，多者一千二百元，少者三四百元不等，其進貨製酒需款時，隨時與錢莊通融，故企業資本總額，祇一萬一千五百元，職工除臨時僱用者外，計一百三十九名，每年需用高粱二千二百八十六担，出酒七萬八千八百斤，計值洋十五萬七千六百元，其銷路以周村附近為主，運往濟南等遠處者尙少。

冶鐵業

冶鐵業之在周村，計有六家，在祠堂街者為增盛、三合兩家，在武聖街者為萬興、義盛、福順永、萬義昌等四家，皆係獨資而資本不大，普通固定資本，在五百元左右，工人多者九人，少者四人，每年六家所需生鐵，計十三萬六千斤，所製爐口、爐條、餅鐵、小廣鍋等，約值洋六千四百元，行銷周村鄰近各縣。

燭皂業

周村造臘工廠，祇有一家，廠名大豐，在周村後街，資本四百元，現有職工七名，備碱化鍋一口，樣模雜用器具三十餘件，每年出皂三千二百元，行銷本鎮及鄰近地方。造燭之店，計有上三元、正三元、滿三元等三家，皆設於周村大街。惟資本微小，全業不過三千四百八十元，工人共二十餘人，設備製造，皆是舊式，出品約值四千五百餘元，均隨時製出，隨時在本鎮銷售。

鞋帽業

周村之瓜皮帽莊，多在圍內北部及北門附近，計有八十餘家，每家皆專做批發生意，不在莊內零售。每家工人，分有男工女工兩種，男工一人，輔以女工四人，男工任剪料製紙坯裝平裝配